



ЗАМАН



Газета издаётся на балкарском языке с 1924 года

Интернет-версия: gazeta.zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

ПАРЛАМЕНТ

Тюзетиуле экологияны, низамлылыкъны игилендирирге айланыпдыла

КъМР-ни Парламентини президиумуну кезиулу жыйылыуун спикер **Татьяна Егорова** бардыргъанды. Анда депутатла КъМР-ни Административ бузукълукъланы кодексине хазырланган тюзетиуленни сюзгендиле. Документге тийишлиликде къурулушда эм жашау журт-коммунал мюлкде бузукълукъла ючюн тазирлени ёлчеми кебейтилгенди. Жамауат къоркъуусузлукъ эм коррупциягъа къажау комитетни башчысы **Михаил Кривко** ангылатханыча, тюрлениуле экологияны, санитар-эпидемиология халны игилендирир, шахарланы бла элени айбатландырыр мурат бла хазырлангандыла.



«КъМР-де ярмаркаланы ишлерин къурау» республикалы законнга да къаралгъанды. Аланы тюрлюлери, энчиликлери, не заманда къуралгъанлары, алада сатыу-алыу

этиуну низамы белгиленгенди. «Дагъыда бардырыллыкъларыны юсюнден билдируню амаллары, сатыучулагъа жерле къалай бёлюнгенлери да тохташдырылгъандыла», - де

генди Экономика политика, инновация айнытыу эм предпринимательство жаны бла комитетни башчысы **Заур Апшев**. Парламентарийле «КъМР-де кеп къатлы юйледе жашагъанла бирге хайырланган ырысхыгъа тынгылы ремонт этиуну юсюнден» республикалы законнга кийирирге белгиленген тюзетиулеге да къарагъандыла. Алагъа кере, кеп къатлы юй хайырларыгъа берилгенден сора, анда жашагъанла жангыртыу жумушла ючюн телеулени юч жылдан сора берип башларыкъдыла. Алгъын а бу болжал 5 жыл эди.

Ахыры 2-чи бетдеди.

Къабарты-Малкъар Республикада Сабийни эркинликлери жаны бла Уполномоченныйни юсюнден

Къабарты-Малкъар Республиканы Башчысыны **УКАЗЫ**

1. Къабарты-Малкъар Республикада Сабийни эркинликлери жаны бла Уполномоченныйни къуллугъуна **Тлинова Светлана Адалгериевна**ны салыргъа, бусагътадагъы къуллугъундан эркин этил.

2. Указ анга къол салынган кюнден башлап кючюне киреди.

Къабарты-Малкъар Республиканы Башчысы **К.КОКОВ**

Нальчик шахар, 2020 жыл 19 март, №20-УГ

КЕНГЕШ



Агъачланы отган, тийрелени суудан ышангылы къоруулауыгъа алланып

Къабарты-Малкъарны Правительствосуну Къыйын табийгъат болумладан къутулуу, аланы хаталарын кетериу эмда от тюшюуден сакъланыу жаны бла комиссиясыны бу кюнде бардырылган кенгешинде сёз агъачланы отдан къоруулауу эмда черекле кетюрюлюк

келген кезиуге тийишли ведомствола бла муниципалитетле къалай хазырланганларыны юсюнден баргъанды. Аны бла бирге тюрлю-тюрлю объектледе къоркъуусузлукъну жалчтыуну амаллары сюзюлгендиле.

Ахыры 2-чи бетдеди.

Жазылыу – 2020

Энтта да хайыры сёз негеригизлей къалсын

Хурметли жамауат!

Бир-бир окъуучуларыбыз анда-санда «Заманнга» жаланда бир кварталгъа жазылып къаладыла. Баям, аны да болур кесини сылтауу.

Алай эсе да, къайгырмаз, халны тюзетирге къыйын туююдо. Сиз 26 мартха дери ана тилибизде чыкъгъан газетге жазылсагъыз, ол 2 апрельден башлап андан ары да сизни огурулу сёз негеригиз болгъанлай турлукъду.

Юч айгъа жазылыуну багъасы 335 сомду.

Бизни индексбиз - 51532

Къууанчлы хапар

Юйюрге юч эгиз къошулгъанды

«Биринчи болуп дуня жарыгъын жашчыкъ кёргенди. Аны ауурлугъу 2 килограмм 940 граммды. Андан сора кызчыкъла туугъандыла. Бири - 2 килограмм 850 грамм, экинчиси - 2 килограмм 630 грамм. Ананы, къагъанакъланы да халлары игидиле. Жуюукъ заманда юйге жиберликбиз, - дегенди Нальчикде Перинатал араны врачы Шунгарланы Мадина.

Эгизчиклеге атла да аталгъандыла: Амирхан, Мариям, Медина. Бу юйюрге ала биринчиле туююдо. Улбашлада дагъыда эки кыз бла эки жаш ёсюп келедиле. Джамиягъа - онбир, Танзилягъа - сегиз, Исмайылгъа - алты эмда Керимчикге юч жыл болгъанды.

Фарида анга сабийлени ёсдюрюрге, баш иесинден сора да, къайын анасы болушлукъ этгенин уллу ыразылыкълар бла айтады. «Мындан ары да ышаны ангады», - деп ышарады. Алай ол кеси да кеп сабийге юйренген тишириуу - элде "Жулдузчукъ" садикде ишлейди. Баш



иеси Алим да Огъары Малкъарны 2-чи номерли мектебинде устазды.

Уллу да, шубх да юйюрге ёсдюрген ата-ананы элде намыслары жюрюйдю. Балаларын да ала иш кёл-

лю болургъа, кеслеринден къариуусузгъа болушургъа, таматагъа сый берирге юйретедиле.

ХОЛАЛАНЫ Марзият.
Суратны автор алгъанды.

Билдириу

Ярмарка боллукъ туююдо

Нальчик шахар округда коронавирус (COVID-19) жайылмазча мадарла этиледиле. Аны бла байламлы солуу кюнде

Абхазия майданда эл мюлк ярмарка боллукъ туююдо. Ол сагъынылган мадарла кетерилип, сатыу-алыу этерге эркинлик берилгенден сора ишлеп тебиреркиди, деп билдириледи мэрияны пресс-службасындан.

Эски сурат



Чыдамлылык эм хатерлилик

Атталаны Баллай, Къадырланы Уммолатны кызы, алгъа Къоспартыда, ызы бла Хасанияда жашаганды. Сюрюн азабын, баш иесин тас эттени кыйынлыгын да сынаганды. Алай а, башха таулу аналча, ол кыйын жыллада да, таукеллигин тас этмей, сабийле ёсдюргенди, жашау чыдамлылыгын кёргозгенди.

ПРОФИЛАКТИКА

Тохташдырылгъан жорукъланы – ишексиз

Нальчикде Роспотребнадзорну излемлерине кёре, пассажир транспортха дезинфекция бардырылгъаны юсонден организацияны эм маршрутталаны да иелерине эсгертиуле этилгенди, деп билдириледи мэрияны пресс-службасындан.

Алай бла водительле хар иши конюлерин ахырында улоулары ичлерин микробланы ёлтюрген затла бла сюртюрге, терезелерин, эшиклерин ачып, хауа жибере турургъа керек боллукъдула. Андан сора да, къолларына антисептикледен терк-терк ышыргъа тийишлиди. Температурасы болгъан, жётел этген неда башха бир заты кыйнагъан адам ишге чыгъаргъа эркин туюлдо.

Сагъынылгъан жорукъла толтурулурларына, шахарны администрациясыны келечилери контроль бардырадыла. Кёп болмай



ала «Таксопарк» предприятиядан арысында бирсилени да жокъларыкъдыла.

ОНОУ

Троллейбуса болжаллы халда башха маршрутла бла жүрюрюкдюле

Белгилисича, «Къоркъуусуз эм тынгылы автомобиль жолла» миллет проектни чеклеринде Нальчикде Киров орамны Атажукинден башлап Идаровгога дери кесегинде тынгылы ремонт ишле барадыла. Аны бла байламлы бу кюнде Троллейбус управленияда болжаллы халда улоулары маршрутларына тюрлениуле кийиргенди, деп билдириледи Нальчик шахар округну администрациясыны пресс-службасындан.

Алайды да: - 1Н номерли «Нартан-Горная» эрттенликде 7:30 сагъатда жалаңда бир рейсе чыгъарыкъды;

- 2Ш номерли «Шалушка-Горная» эрттенликде 7:00-дан ингирде 19:40 сагъатха дери хар 40 минутдан жүрюрюкдю.

- 4-чю номерли «Дубки - Горная» эрттенликде 6:00-дан ингирде 20:40 сагъатха дери хар 30 минутдан жүрюрюкдю.

Аны бла бирге троллейбусланы 5-чи номерли «Дубки-Курзал» эм 6-чы номерли «Стрелка-Курзал» маршрутлары да ачылыккъдыла. Ала эрттенликде 7:00-дан ингирде 20:30 сагъатха дери хар 30 минутдан жүрюрюкдюле.


СЁЗБЕР

ЭНИНЕ: 3. Къаты темир. 8. Аякъ кийимсиз. 9. Бек жумушакъ бишерге асыралгъан кёгет. 10. Бахсан ауузунда тау. 14. Кимден да бек ийманлы адам анга ышанады. 17. Аны бла сюркелип да барады адам. 19. Къазауатха аллай адам киреди. 21. Къушну тюрлюсю. 22. Бек иги. 23. Бичен этгенде керек иш. 24. От этилген жерни ызы. 25. Политик. 28. Сыйланыу. 30. Сёз айтмай туруу. 31. Кеслерини онгларын билмей, алай сёлешгенле да боладыла. 32. От болмагъан жерде ол да болмайды дейди. 35. Къыралда бек белгили жигит шахар. 38. Жерни тёрт жанын кёргозтген зат. 39. Ислам сураланы кеси тиллеринде окъугъанла. 40. Къанатлыны буруну.

ЁРЕСИНЕ: 1. Ол аппа огъуздунулары жигитлик эпосларын жазганды. 2. Адамны аллына къарау. 4. Къолу ачыкъны ышаны. 5. Гыржынны тюрлюсю. 6. Чойютлюледе бек жүрюген адам ат. 7. Сабийле зауукълукъ алгъан зат. 11. Тирлик да анга кёре болады. 12. Къажалукъ. 13. Къара шинли адам. 15. Сен энди дери билмеген хапар. 16. Юйге кирген жер. 18. Хау дуня. 20. Сары металл. 26. Бир бирге иги болуу. 27. Бир ишни этген къауум адам. 29. Сермешле. 33. Парламентде оноучу къауум. 34. Искусство. 36. Венгрияда ишленген автобус. 37. Къызыл бюрюкюлю, къаты тышлы кёгет.

ГАЗЕТНИ 29-чю НОМЕРИНДЕ БАСМАЛАНГАН СЁЗБЕРНИ ЖУАПЛАРЫ:

ЭНИНЕ: 1. Маржан. 6. Элизат. 8. Забака. 9. Раузат. 11. Билим. 12. Ольга. 13. Куля. 15. Галина. 16. Фатимат. 18. Налбике. 23. Роза. 24. Ханума. 26. Люба. 28. Людмила. 29. Рум. 30. Салима. 31. Халимат.
ЁРЕСИНЕ: 1. Мариям. 2. Жаз. 3. Рая. 4. Шарифа. 5. Фатимат. 7. Тамара. 10. Роза. 13. Кулина. 14. Якъут. 16. Фердаус. 17. Жаухарат. 19. Абидат. 20. Баблук. 21. Лариса. 22. Галима. 25. Сойюм. 27. Асият.



Учредительле: Къабарты-Малкъар Республиканы Парламенти бла Правительствосу

Баш редактор
АТТАЛАНЫ Жамал

РЕДКОЛЕГИЯ:

ТЕКУЛАНЫ Хауа (баш редакторну орунбасары),
ЖАНГУРАЗЛАНЫ Нажабат
(баш редакторну орунбасары),
ТОКЪЛУЛАНЫ Борис (жуапплы секретарь),
ТРАМЛАНЫ Зуухра,
МУСУКАЛАНЫ Сакинат,
ТИКАЛАНЫ Фатима,
УЛБАШЛАНЫ Мурат.

ТЕЛЕФОНЛА:

Редакторну приемный - 42-63-01. Баш редакторну орунбасарлары - 42-38-21, 40-04-82. Жуапплы секретарь - 42-66-85. Секретариат - 40-93-62. Корректорла - 42-63-52.

Газет Басманы эм асламлы информацияны эркинликлерин кыруулау жаны бла Къабарты-Малкъар регион инспекцияда 2016 жылда 19 декабрьде регистрация этилгенди.

Регистрация номер — ПИ № ТУ07-00118. Индекс - 51532

Газетни басмагъа «КъМР-Медиа» ГКУ-ну компьютер службасы хазыр этгенди.

Газет «Издательство «Южный регион» ООО-ну типографиясында басмаланганды. Ставрополь край, Эссенуки ш., Никольский, 5а орам

Номерге графике кёре 19.00 сагъатда къол салынады. 20.00 сагъатда къол салынганды.

ГАЗЕТНИ НОМЕРИН ЧЫГЪАРГЪАНЛА:

Мокъаланы Зуухра - дежурный редактор; Кетенчиланы Зульфия, Кучукланы Сафият - жуапплы секретарьны орунбасары; Зезаланы Лида (1,2,4,12-чи бетле), Бийчеккуланы Жаннет- (9,11-чи бетле), Гелъланы Валя - (3,10-чу бетле) - корректорла.

Тиражы 1432 экз. Заказ № 553
Багъасы 15 сомду.

РЕДАКЦИЯНЫ ЭМ ИЗДАТЕЛЬНИ АДРЕСИ:



360000, Нальчик шахар,
Ленни атлы проспект, 5

электрон почтасы:
elbor_50@mail.ru